

Innuttaasunik kiffartuussinermut isumaqatigiissut

piffissami 1 . januar 2023-miit 31. december 2026 ilanngullugu

KNR-ip

aamma

Naalakkersuisut

akornanni

KNR-ip innuttaasunik kiffartuussinermi pisussaaffiik annertussusai imarisaalu
pillugit

1. Innuttaasunik kiffartuussinermi isumaqatigiissummi tunngaviusut

Isumaqatigiissummi siunertaq tassaavoq suliassat suut KNR-imit naammassineqartussatut naatsorsuutigineqarnersut, innuttaasunillu kiffartuussineq sunik tunngaveqassanersoq erseqqissassallugu.

Isumaqatigiissut inatsimmi KNR pillugu pisortat suliffeqarfiutaatut namminersortutut aalajangersagaaneranut tunngavigineqarput, tak. "Radiukkut tv-kkullu aallakaatitsisarneq pillugu Inatsisartut inatsisaat nr. 7, 8. juni 2014-imeersoq" §§ 28 aamma 57.

Tamatuma kingunerisaanik inatsimmi isumaqatigiissummilu matumani aalajangersarneqartumi tunngaviusut iluanni aallakaatitassiornerup pingaarnertigut aaqqissuunneqarneranut KNR-ip siulersuisui akisussaapput.

Aammattaarlu kinguneralugu inatsimmi isumaqatigiissummilu allassimasunut suliniutinut atugassat aningaasaliissutigineqartut namminerlu pissarsiarineqartut KNR-imi siulersuisunit tamakkiisumik killilersorneqanngitsumillu oqartussaaffigineqarlutik.

Isumaqatigiissut Naalakkersuisut aamma KNR-ip akornanni suleqatigiinnermut sakkussatut tunngaviuvoq. Sammisat pingaarutillit aallaavigalugit aqutsinermi

sakkuunerata saniatigut isumaqatigiissummi siunertaq taamaalilluni aamma tassaavoq kiffartuussissutaasussanit isumaqatigiissummi allanneqartunik sullissinernik pilersuineq pillugu oqaloqatigiinnissamut tunngavissiineq.

KNR-ip kinguneqarluartumik ingerlanneqarnissaanik sammisaqarnerup ingerlatiinnarnissaata saniatigut isumaqatigiissummik matuminnga Naalakkersuisut aamma KNR-ip oqallisiginninnerannut oqaasertaliorneranullu atatillugu aallaavigineqartoq tassaasimavoq innuttaasunik kiffartuussinerni pitsanngorsaajuarnissaq aammalu tamatigoortunik nutaalianillu aallakaatitassiorarnissaq, soorlu tv-kkut radiukkullu nutaarsiassalerinerni, qaammarsaaniarnerni, atuartitsinerni, eqqumiitsuliornerni aliikkutassaqartitsisarnernilu anguniarneqartuassasoq.

KNR-ip pitsaassuseq nakkutigineruniarpaa, tassunga ilanngullugit aallakaatitassiat suliarilluagaanerusut, kalaallisut oqaatsit qaffasissumik salliutinneqarlutik. Tamatumani apeqqutaatinnagu aallakaatitassiat KNR-ip nammineerluni imaluunniit kalaallinit aallakaatitassiorartunit allanit suliarineqarsimanersut.

Tamatuma saniatigut aallakaatittakkat pitsaanerusumik atornerisigut KNR-ip nuna tamakkerlugu radiukkut tv-kkullu aallakaatitassiornermi qitiusumik inissisimanini KNR-ip atorluarniarusuppaa.

Ullumikkut Inatsisartut ataatsimiinnerannit toqqaannartumik aallakaatitsinernut kiisalu taakku unnukkut aallakaateqqittarnerinut atorneqartup KNR2-p annertunerusumik atorneqarnissaa tassunga ilaavoq. Tamatumalu saniatigut oqallinnernik oqaatsinut allanut nutserneqartut aallakaatinnerinut kanali KNR-imit atorneqassalluni qulaanilu aallakaatitassiat saniatigut nuna tamakkerlugu timersornikkut aallakaatitsinernut KNR2 atorneqassalluni.

2022-mi kisitsisit piviusunngortinneqartut tunngaviusumik isumaqatigiissummi kisitsisinut naatsorsuutigisanut najoqqutarineqarput.

Illuatungeriit naliliipput isumaqatigiissummi matumani innuttaasunik kiffartuussinermi pisussaaffimminik isumaginninnissamut inuiaqatigiinnilu kiffartuussinikkut sulinissamut KNR tunngavissaqarluarneranik qulakkeerneqartoq.

2. KNR'ip atuuffia pingaarnertigullu siunertaa

Isumaqatigiisut ukiunut sisamanut piffissami 2023-miit 2026-imut isumaqatigiisutigineqarpoq.

Isumaqatigiissummi taamaallaat pineqarpoq innuttaasunik kiffartuussinermik ingerlatsineq, tak. radio tv-lu pillugit inatsimmi §§ 20-26, taamaalillunilu KNR-ip allatigut aallakaatitassiortarneranik malittarisassaliornani, tak. inatsimmi § 29, imm. 1 aamma KNR-ip allatigut ingerlataqarnera, tak. § 29, imm. 2. Isumaqatigiissummut ilaanngillat aallakaatitseqqinnerit, ussassaarutit aallakaatitassiassaalu aaqqissuunneqarsimanngitsut, aallakaatitassanut takussutissat, nalunaarutit, OBS aallakaatitassiat, pinnguaatit, naatsuaranngorlugit saqqummiussisarnerit unillatsiarnerillu, tak. inatsimmi § 28, imm. 4.

KNR tassaavoq kulturikkut suliffeqarfik inuillu oqartussaaqataallutik oqallinneranni pinngitsoorneqarsinnaanngitsoq aamma inuiaqatigiinni kalaallini kulturikkut ingerlatsisuusut ilaat. Tamanna pissaaq kalaallit kulturiat kulturikkullu kingornussaat aallaavigalugit, tamannalu KNR-ip aallakaatitassiaanit oqalliffiusunilu erseqqissumik takuneqarsinnaassalluni.

KNR innuttaasunut assigiinngisitaartunik tamatigoortunillu aallakaatitanut periarfissiissaaq, innuttaasut iliuuseqarsinnaassusiannut aamma kalaallit nunaanni inuinnaat naalakkersueqataaneranni ilisimasanut illuinnaasiunngitsumik tapersersuisoq aamma kalaallit kulturiannik oqaasiinillu nukittorsaasoq.

Aningaasatigut Naalakkersuisunit tunngavissat aningaasallu nammineq pissarsiarisimasai naapertorlugit nutaarsiassat, soqutiginartut, kulturip, meeqqat inuusuttullu, innuttaasunut qaammarsaanerup, ilinniartitaanerup ilinniarnarullu iluini KNR sulii pingaarnersiuillunilu pitsaassutsikkut imarisaanik pitsaanerulersitsissaaq.

KNR nunanilu tamalaani tusagassiorfiit ukiuni makkunani atortorissaarutitigut tusagassiornikkullu allanngoriartorfimmiipput. Taamaattumik ukioqatigiiaat siunnerfigineqartullu tamaasa kiffartuunnissaannut digitalikkut ileqquusumillu aallakaatitsiviit atorfissaqartinneqarlutik. KNR-ip imarisaanik siammarterinikkut annertunerusumik digitalinngorsaaneq KNR-ip saaffigissavaa.

3. Siammarterineq

Innuttaasunut kiffartuussinissamut neqeroorutit tamanut qulakkeerniarlugit KNR-ip tusagassiortarnikkut ineriartorneq malinnaaffigissavaa aamma innuttaasut sumiiffigisaanni kanalini aallakaatitsivinnilu attuumassuteqartuni qaffasissumik pitsaassuseqartunik imaqartunut innuttaasunut killeqanngitsumik periarfissiinikkut innuttaasut tusagassiuutunik atuinerannut naapertuutissalluni.

KNR-ip aallakaatitassiai KNR-ip TV-kkut radiukkullu kanaliisigut digitalikkullu KNR-ip interneti tunngavigalugu kiffartuussiffiisigut siammarterneqarput.

Ullumikkut innuttaasunik kiffartuussinermi KNR imatut siammarterivoq:

- KNR-ip aallakaatitassiai KNR-ip TV-kkut radiukkullu kanaliisigut digitalikkullu KNR-ip interneti tunngavigalugu kiffartuussiffiisigut siammarterneqarput.
- Mellembølgimi kanali (AM, Amplitude Modulation),
- Tunumi avataasiorlutik kilisaatinut sekundimut maligaasakkut (3815 kHz-kkut) aallakaatitsisarneq,
- KNRI-imi aamma KNR2-mi tekst-tv-kkut nutaarsiassat paasissutissiinerillu,
- Electronic Programme Guide (EPG). Aallakaatitassat pillugit nalunaarsuutit aamma KNR-ip Tv-kanaliini aallakaatitassat pillugit eqqartuinerit.

4. Aningaasalersuineq

Radio tv-lu pillugit inatsimmi § 36 naapertorlugu KNR-ip ingerlanneqarnera nunatta karsianiit tapiissuteqarnikkut, ussassaarutitigut, allanit akiliisitsilluni aallakaatitassiornikkut aammalu ingerlatsinerni allani isertitaqartarnikkut aningaasalersorneqarpoq.

Illuatungeriit kissaatigivaat allaffissornikkut aningaasartuutit ima inissisimaffeqartinneqarnissaat KNR-ip anguniartuassagaa, taamaalilluni tunisassiorneq namminerlu aallakaatitassianik nuna tamakkerlugu kalaallinit tunisassiarineqartunik aallakaatitsineq ingerlanneqartuarsinnaalluni.

KNR tv-kkut, radiukkut aallakaatitsivinnilu allani internetikkut innuttaasunut tamanut aallakaatitassianik kiffartuussinernillu annertuunik qulakkeerissaaq.

Ataatsimut isigalugu KNR-ip innuttaasunik kiffartuussinikkut ingerlatsinermini siunertaa tassaavoq:

Inuit oqartussaaqataaffigisaanni inuiaqatigiinni innuttaasut iliuuseqarsinnaassusiat nukittorsarlugu

- KNR-ip qulakkiissavaa inuiaqatigiinnik paasissutissiinermut, oqallinnermut kulturimullu annertuumut pituttugaanngitsumullu periarfissaqarneq..
- KNR kaammattuissaaq inuit oqallinneranni inuillu oqartussaaqataaneranni peqataatitsinissamut imarisamigullu kiffartuussinikkut.

Kalaallit Nunaat atassuserlugu tarrarsorlugulu

- KNR ataatsimoorfiusunut annertuunik annikitsunillu imaqartunut, misigisaqarfiusunut pisunullu ataatsimoorfiusunut inunnik qaaqqusissaaq.
- Kalaallit Nunaanni nunap immikkoortuini tamaniittunik kulturip, inuunermik paasinninnerit inuunermilu atukkat inuiaqatigiinni tamatigoortumik sammisaqarnermik KNR neqerooruteqarlunilu assigiinngisitaartuunerannik ersersitsissaaq.
- Inuit oqartussaaqataanerat, naligiinnik killiligaananilu oqaaseqarsinnaaneq pillugu pingaartitanik tunngaveqartumik Kalaallit Nunaannik ataatsimoorfiusumik tapersersuinermi KNR peqataassaaq.

Kulturimik oqaatsinillu inerisaaneq

- KNR-ip immikkut pingaartissavaa kalaallit eqqumiitsuliaannik kalaallillu kulturikkut kingornussaannik suliniuteqartutut ingerlatitseqqittutullu inissisimanini.
- KNR pisuunngorsaassaaq kalaallit kulturikkut inuunerannik immikkut ittumik imaqartumik.
- KNR-ip kalaallit oqaasii immikkut pingaartissavai aammalu kalaallit oqaasii, sumiorpaluutillu assigiinngitsut ilanngullugit, allanngutsaaliornerni ineriartortinnerinilu peqataassalluni, innuttaasut taamaalillutik KNR-ip aallakaatitsinerani kalaallit oqaasiinik eqqortunik paasinartunillu misigisaqassallutik.

Ilisimasaqarneq paasinninnerlu siuarsarlugu

- Sammisat pimoorussisut attuumassuteqartullu assigiinngisitaartut ingerlateqqilluarneqarnerisigut inuit soqutigisaqalernissaannut ilisimasaqarnerannullu KNR siuarsaassaaq.
- KNR nukittorsaassaaq Kalaallit nunanilu tamalaani kulturit, kiisalu kulturit isiginneriaatsillu allat pillugit inuit ilisimasaannik paasinninnerannillu.

KNR-ip aallakaatitassiai ammiq qalipaataa, suaassuseq, upperisarsiorneq, inuiaassuseq, najugaqarfik kinguaassiutitigullu isiginninneq pissutigalugu qinngarsuinnermut arlaannaatigulluunniit kajumissaarissanngillat.

Ukiumut isertitat (1.000 kr.)	Piviusunngortitat 2022	AI2023 (mio.)	M 2024 (mio.)	M 2025 (mio.)	M 2026 (mio.)
Nunatta Karsianit aningaasaliissutit	71.155	72.169	73.421	73.421	73.421
Isertitat allat	8.649	8.041	8.041	8.041	8.041
Isertitat katillugit	79.807	80.210	81.462	81.462	81.462

Tabel I. KNR'ip 2022-imi isertitatut piviusunngortitai, AI2023-imi missingersuutigineqartut, ukiullu missingersuusiorfiusut (2024-2026), 1.000 kr.-nngorlugit.

Malugineqassaaq sumiiffinnut sisamanut, TV-mut aamma radiumut, ineqarnermut akiliutitut KNR-ip aningaasartuutai ukiumut 4,8 mio. kr.-inut qaffassimammata. Utaqqiisaasumik attartornermut aningaasartuutaanerusut matussuserniarlugit aningaasaliissutit 2014-imiit 3 mio. kr.-inik qaffanneqarput.

Ataani tabel 2-mi 2022-mi kiisalu ukiuni missingersuusiorfiusuni akissarsianut allatigullu ingerlatsinermut KNR-ip ilanngaateqareertillugit aningaasartuutai takutinneqarput - 1.000 kr.-inngorlugit.

Ukiumut aningaasartuutit	Piviusunngortitat 2022	2023	2024	2025	2026
Akissarsiat aningaasartai	47.579	50.934	50.934	50.934	50.934
Ilinniaqqinnerit aamma ingerlaqqiffiusumik ilinniarnertit	562	900	900	900	900
Ingerlatsinermut aningaasartuutit allat	30.453	27.372	27.372	27.372	27.372
Aningaasartuutit katillugit	78.594	79.206	79.206	79.206	79.206

Tabel 2. KNR'ip ilanngaattissat ilanngaatigereerlugit akissarsianut ingerlatsinermullu allamut aningaasartuutai 2022-imi, 2023-imi ukiunilu missingersuusiorfiusuni (2024-2026), 1.000 kr.-nngorlugit.

Piffissami isumaqatigiissuteqarfiusumi teknikkikkut atortunik pisiortornermut, aserfallatsaaliinermi ikiorneqarnermullu aningaasartuutit KNR-ip nammineq aningaasalersussavai.

KNR-imut aningaasat 2022-mi 2,5 mio. kr.-nik ukiumut qaffanneqarput. Qaffaaneq KNR-imi ineriartortitsinermi pilersaarutitut atasutut isigineqassaaq, ilaatigut sinerissami sammisassaqartitsinerup piorsarsimassutsillu oqaluttuarisaanerata annertunerulerneranut matussusiisussat.

5. KNR-ip imarisaa

KNR-ip pitsaassutsikkut imarititai KNR-ip pingaarnertigut innuttaasunik kiffartuussinermi siunertaanut tapertaassapput aammalu nutaarsiassat, soqutiginarlut, eqqumiitsuliornerup aamma kulturip, meeqqanut inuusuttunullu, innuttaasunut qaammarsaanerup, ilinniartitaanerup ilinniarnerrullu kiisalu nunap immikkoortuini ingerlatsinerup iluini sakkortusineqassalluni.

5.1 Nutaarsiassat soqutiginarlut

Innuttaasunut nutaarsiassat pitsaanerpaamik siammarterneri qulakkeerniarlugit tv-mi, radiumi internetimilu siunnerfigisanullu assigiinngitsunut tulluarsarneqarsimasunut aallakaatitsivinni attuumassuteqartuni nutaarsiassanik KNR neqerooruteqassaaq.

KNR-ip nutaarsiassaqartitsinera tamatigoortuussaaq illuinnaasiortuunanilu. KNR-ip nutaarsiassaqartitsinera pitsaassutsimik soqutiginaateqarnermillu sammisaqassaaq, aammalu nuna tamakkerlugu nunanilu tamalaani isiginiakkaniit nutaarsiassanik paasissutissiinermik sammisaqassalluni, tassunga ilanngullugu Danmarkimut attuumassuteqartut.

KNR piffissami isumaqatigiissuteqarfiusumi ulluinnarni tamani nal. 18:00-ip aamma nal. 21:00-ip akornani minnerpaamik pingaarnertut nutaarsiassanik kalaallisuunik sivikinnerpaamik minutsinik 15-inik sivilissuseqartunik tunisassiortarnissamut pisussaaffeqarpoq. Aasaanerani ulluinnarni tamani (22. juni - Inuiattut Ullorsiornerup aqaguaniit aggustip qiteqqunneranut) aamma juullip ukiortaallu akornanni sivikinnerusinnaasunik pingaarnertut nutaarsiassanik aallakaatitsisassaaq.

KNR innuttaasunik kiffartuussinini pillugu nassuiaammuni nassuiassavai:

- Aallakaatitsivinni assigiinngitsuni nutaarsiassalerinerup annertussusaa, tassunga ilanngullugit oqaatsit atornerqartut.

5.2 Meeqqat inuusuttullu

Meeqqat:

Meeqqat sumiiffigisaanni aallakaatitassianik, kiffartuussinernik il.il. meeqqanut tunngasunik innuttaasunik kiffartuussinernik ineriartortitsinikkut tulluurtunillu imaqtitsinikkut, meeqqanut suliniuteqarnini KNR-ip sammissavaa. KNR-ip kalaallisut oqaasertalinnik aallakaatitassianik pingaartitsissaaq.

Ajoqusiinnaasunik imaqtunut ukiukinnerusut isumannaarsimanissaat KNR-ip nakkutigissavaa.

KNR innuttaasunik kiffartuussinini pillugu nassuiaammini nassuiassavai:

- KNR-ip meeqqanut suliniutai.

Inuusuttut:

KNR tunisassiat kalaallisoortut aallaavigalugit inuusuttunut naleqqiullugu immikkut suliniuteqassaaq. Inuusuttut sumiiffigisaanni imaqtunik KNR neqerooruteqassaaq, aamma inuusuttunut soqutiginaartunik pisartunik assigiinngisitaartunik inuiaqatigiinni pissutsinik inuusuttullu inuunerannik aallakaatitsissalluni. Pingaartumik inuiaqatigiinni pissutsinik paasissutissiinermut naleqqiullugu inuusuttuni annertuumik sunniuteqarsinnaasut aallakaatitseriaatsinik atuineq KNR-imit isiginiarneqassalluni.

KNR innuttaasunik kiffartuussinini pillugu nassuiaammini nassuiassavai:

- KNR-ip inuusuttunut suliniutai, tassunga ilanngullugit inuiaqatigiinni pissutsinik ingerlatitseqqinneq.

5.3 Kulturi

KNR nuna tamakkerlugu kalaallit kulturiannik sammisaqassaaq aamma kalaallit kulturiannik, oqaluttuarisaanerannik, pinngortitamik, silap pissusaanik kulturikkullu kingornussanik paasissutissiissalluni. Kalaallit kulturiannik paasissutissiineq pillugu nuna tamakkerlugu kulturilerisunik sapinngisamik KNR suleqateqassaaq.

KNR kalaallinik nipilersortartunik ineriartortitsinermik sammisaqassaaq, tassunga ilanngullugit kalaallit nipilersuutaannik siuariartorfiusut, kiisalu kalaallit nipilersuutaat aallakaatitassiaallu radiumi TV-milu periarfissillugit. KNR nipilersornermi kalaallinik

nunanillu allaneersunik assigiinngisitaartunik sammisaqassaaq. Radiumi ukiumut minnerpaamik 50 %-imik kalaallit nipilersuutaat neqeroorutigineqartassapput, peqatigisaanillu erinniarsuit rytmimillu nipilersornernik sammisaqarnermik ingerlatsissalluni.

KNR sapinngisamik annerpaamik timersornernik aallakaatitsisassaaq. Kalaallit Nunaanni Timersoqatigiit Kattuffiat (GIF) suleqatigalugu Kalaallit Nunaanni timersornermi tamatiguussuseq annertunerusumik piumasaqarfiusumik aallakaatitsinermi takutinneqartassaaq. KNR sapinngisamik nunatsinni pissartanngorniunnerit tamaasa aallakaatinniartassavai. Tamatuma saniatigut timersornerit "ikittunit peqataaffigineqartut" allallu peqqinnissamik siuarsaasut aallakaatitassiat aallakaatinneqartarnissaasa KNR-ip qulakkiissallugit, tamanna aningaasaqarnikkut ajornanngippat, tassa najukkani/nunap immikkoortuani timersornerit aamma timersornerup inuiaqatigiinnut kulturimullu pingaaruteqarnera.

KNR innuttaasunik kiffartuussinini pillugu nassuiaammini nassuiassavai:

- KNR-ip kalaallit kulturiata kulturikkullu kingornussaasa iluini suliniutai.
- KNR-ip kalaallit timersornerannik peqqinnissamillu siuarsaasunik aallakaatitsinerup iluani suliniutai.

5.4 Innuttaasunut qaammarsaaneq, ilinniartitaaneq ilinniarnertu

Innuttaasunut qaammarsaanermi sammisat arlallit iluini ilisimasamik KNR tapersersuissaaq tassuunakkullu toqqaannartumik toqqaannanngitsumillu ilinniartitsinermut tapertaassalluni. Ilinniartitaanerup ilinniarnertu iluini neqeroorutini KNR qulakkeerissaaq, tassunga ilanngullugit inuit ilaannut isumalluuteqarpiannngitsunik ilinniarnissamut qiiimmassaasinnaanert. Innuttaasunut qaammarsaanerup, ilinniartitaanerup ilinniarnertu iluini KNR-ip neqeroorutai piffissap ingerlanerani innuttaasunut qaammarsaanermik, ilinniartitaanermik ilinniarnertu paasissutissiinermut tulluarnertu paasunik aallakaatitsivinni neqeroorutigineqassapput.

KNR innuttaasunik kiffartuussinini pillugu nassuiaammini nassuiassavai:

- KNR-ip innuttaasunut qaammarsaaneq, ilinniartitaaneq ilinniarnertu pillugit suliniutai.

6. Piffissami radiumut tv-mullu aallakaatitsinermut nalunaaquttat akunneri ukiumut ikinnerpaaffissaat

KNR minnerpaamik 3267 tiiminik radiumi TV-milu 826 tiimi aallakaatitsinissamut imminut pisussaaffilerpoq.

Ingerlatani kisitsisit tiiminngorlugit	P 2022	AI 2023	M 2024	M 2025	M 2026
5.1. Allat kalaallisut aallakaatitassiornerat: 1)					
Radio	213	75	213	213	213
Tv	305	100	99	99	99
5.2. KNR-ip nammineq aallakaatitassiai katillugit 2)					
Radio	3497	3267	3267	3267	3267
Tv	836	826	826	826	826
5.3. Kalaallit Nunaanni aallakaatitassiarineqatut (immikkoortitikkat katiterneri) 3)					
Radio					
a) Meeqqat inuusuttullu	374	155	403	403	403
b) Eqqumiitsuliorneq kulturilu	1685	975	1.440	1.440	1.440
c) Timersorneq	142	110	106	106	106
d) Nutaarsiassat soqutiginaartullu	1264	975	975	975	975
e) Ilinniartitsineq	21	20	11	11	11
f) Peqqinnissaq	11	10	19	19	19
g) Danskisut aallakaatitsinerit (allamiulluunniit oqaasii) 4)	384	245	313	313	313
Katillugit	3497	2490	2954	2954	2954
TV					
a) Meeqqat inuusuttullu	51	70	53	53	53
b) Eqqumiitsuliorneq kulturilu	218	115	231	231	231
c) Timersorneq	273	115	280	280	280
d) Nutaarsiassat soqutiginaartullu	234	230	225	225	225
e) Ilinniartitsineq	31	20	21	21	21
f) Peqqinnissaq	24	9	16	16	16
g) Danskisut aallakaatitsinerit (allamiulluunniit) 5)	5	17	15	15	0
h) Danskisunngorlugit nutserneqartut (allamiulluunniit oqaasii) 6)	97	80	80	80	95
I alt	831	656	826	826	826
Tamakkiisumik (radio og tv)					
5.4. Radiukkut aallakaatitsinerit tamarmiusut (ulloq unnuarlu) 7)	8953	8953	8953	8953	8953
5.5. TV-kkut aallakaatitsinerit KNR1 + KNR2 7)	4884	4884	4884	4884	4884

Tabel 3. Ukiuni 2023 - 2026-mi ukiumut aallakaatitsinernut tiimit ikinnerpaaffissaat, tiiminut allallugit.

1) Nunatsinni radio/TV-qarfinnit — peqatigiiffinnit il.il. pisiat

2) KNR-ip nammineerluni aallakaatitassiai katillugit

3) Nunatsinni aallakaatitassiat (KNR-ip avataani kalaallisut aallakaatitassiat + KNR-ip nammineq aallakaatitassiai).

4) Assersuutigalugu danskisut radioavisit, silassaq tuluttoorlugu il.il.

5) Assersuutigalugu danskisut aallakaatinneqartartoq Qulaarpaa.

6) Assersuutigalugu Qanorooq qallunaatut nutsertitaq.

7) Aallakaatitassiat tamarmik pineqarput (aallakaateqqitat, aallakaatitassiat nunanit allaneersut il.il.).

6.1) Allanit kalaallisut aallakaatitassiornerat

Kalaallisut allanit aallakaatitassiat tassaapput Kalaallit Nunaanni radioqarfinnit tv-eqarfinniillu allanit imaluunniit suliffeqarfinnit aallakaatitassiornerat allanit Kalaallit Nunaanni angerlarsimaffeqartunit aallakaatitassiarineqarsimasut.

Allanit kalaallisut aallakaatitassianit oqaluttuarisaanermi ilaannakkuusumik allanit aallakaatitassiarineqarsimasut ilanngunneqarsimanngisaannarsimapput. Aamma taakku allanit kalaallisut aallakaatitassiatut immikkoortinneqaraluarpataluunniit.

a) Radio

KNR-ip nammineq aallakaatitassiai assigalugit aallakaatitassiornerup pitsaassusaa qaffanniarneqarpoq. Ilaatigut najukkani radioqarfiit qanimut suleqatiginerisigut, tassunga ilanngullugu Kalaallit Nunaanni najukkani radioqarfiit peqatigiiffiat suleqatigalugit pikkorissartitsinerit.

b) TV

Allanit tv-kkut aallakaatitassianik pisinermut atatillugu KNR-ip nammineq aallakaatitassiornera assigalugu allanit tv-kkut tunisassiornerisa pitsaassusaa qaffatsinniarneqarput. Ilaatigut najukkani tv-qarfinnik qaninnerusumik suleqateqarnikkut.

6.2 KNR-ip nammineq tunisassiorneri katillugit

Aallakaatitassiorneq naammassiuminarsarniarlugu KNR suliuarpoq, - illutigut periarfissaatitaasuni.

a) Radio

Radiukkut aallakaatitassiat imarisaanik ingerlaavartumik KNR pitsanngorsaaniarpoq. Ingerlaavartumik pitsanngorsaannermut aallaavigineqartoq tassaassaaq isiginnaartunik tusarnaartunillu misissuinerit.

b) TV

KNR-ip tv-kkut aallakaatitassiaasa annertussusaat Kalaallit Nunaanni tv-kkut aallakaatitassioortunit allaniit pisisarnermut atatillugu isigineqassaaq. Kalaallit Nunaanni kalaallinit aallakaatitassiarineqartunit tv-kkut aallakaatitassianik KNR-imi sulit takutitsisoqarnissaa Naalakkersuisunit pingaartinneqarpoq.

6.3) Kalaallit Nunaanni tunisassiarineqartut katillugit

Radiumi tv-milu aallakaatitassiat Kalaallit Nunaanni aallakaatitassiarineqartut

Matumani pineqarput Kalaallit Nunaanni aallakaatitassiarineqartut radiumi tv-milu aallakaatitassiat tamarmiusut, piffissami taaneqartumi KNR-imit aallakaatinneqartut. Tassani taamaalilluni pineqarput KNR-ip nammineq aallakaatitassiaannik aallakaatitsinerit, Kalaallit Nunaanni radioqarfinnit tv-qarfinnillu allanit aallakaatitassianik aallakaatitsineq, kiisalu radioqarfittut imaluunniit tv-qarfittut taaneqarsinnaanngitsunit Nunatsinni tunisassioortunit allanit radiukkut tv-kkullu aallakaatitassiarineqartut.

Meeqqanut inuusuttunullu, Eqqumiitsuliornermut kulturimullu, Nutaarsiassanut soqutiginaartunullu, Atuartitsinerimut Peqqinnissamullu aallakaatitsinerimut tiimit agguarnerini aallakaatitassiat ilaasa aallakaatitassiami immikkoortunit ataatsimit amerlanerusunik imaqsarinnaaneri eqqarsaatigineqassapput. Taamaattumik aallakaatitassiat ilai missiliuinikkut procentinik agguaneq aallaavigalugu immikkoortuni assigiinngitsuni nalunaarsugaassapput.

Aammattaaq pingaaruteqarpoq nunami kulturikkut inuiaqatigiinnillu pingaartitanut naapertuuttunik qaffasissumik pitsaassuseqartunik immikkut ittunik, unaminartunik pineqartunillu innuttaasunik kiffartuussinernik qinigassiilluarsinnaasunik innuttaasut qulakkeerunneqarnissaat.

Kiisalu pingaaruteqarluni aallakaatitassianik pingaarnersiuiinnermi KNR-ip ukiumoortumik isiginnaartunik tusarnaartunillu misissuisarnernut isumassarsisimanissaa.

a) Aallakaatitassiat meeqqanut inuusuttunullu sammisut:

Aallakaatitassiat meeqqanut inuusuttunullu sammisut sulii ineriartortinneqarnissaat Naalakkersuisut kissaatigaat, soorlu aamma meeqqat inuusuttullu ersarinnerulernissaat ilanngutitinneqarnerunissaannullu KNR ikiuutissasoq.

b) Eqqumiitsuliornikkut kulturikkullu aallakaatitassiat:

Eqqumiitsuliornikkut kulturikkullu aallakaatitassiat aallakaatitassiani qaffasinnerpaamik procenteqarput, eqqumiitsuliornikkut kulturikkullu aallakaatitassiat pitsaassusaat qaffatsinniarnaqarluni. Ilaatigut Kalaallit Nunaanni kulturikkut suliffeqarfiit allat annertunerusumik suleqatiginerisigut.

c) Timersorneq:

Naalakkersuisut kissaatigaat Kalaallit Nunaanniit annertunerusumik timersornernit siammasissumik aallakaatitassiorneq ukkatarineqassasoq. Siuliani piffissami isumaqatigiissuteqarfiusuni timersornikkut annertunerusumik pitsaasunik ineriartorneq nanginneqassaaq, taamaalilluni Kalaallit Nunaanniit timersornikkut aallakaatitassiat amerlanerusut piffissami isumaqatigiissuteqarfiusumi aallakaatinneqarlutik, tassa timersuutinit angisuuniit pisunik aallakaatitassiat.

d) Nutaarsiassatigut soqutiginartutigullu aallakaatitassiat:

Soqutiginartunik aallakaatitassiani paasineqarput aallakaatitassiat politikikkut inuiaqatigiinniluunniit pingaaruteqartunik nutaarsiassanut toqqaannartumik tunngassuteqartut, soorlu nutaarsiassanut oqaaseqarfigineqartut aallakaatitassiat, nutaarsiassat ineriartornerinik misissuineq imaluunniit nutaarsiassanut pisunullu soqutiginartunut politikikkut isummat.

Kalaallit Nunaanni allanit aallakaatitassiorit qaninnerusumik suleqateqarnikkut sinerissamiit nutaarsiassatigut soqutiginartutigullu aallakaatitassiat annertusinissaat KNR-imit naatsorsuutigineqarpoq.

e) Atuartitsineq:

Naalakkersuisunit pissusissamisoortutut isigineqarpoq atuartitsinermik ingerlataqarnissaq siunertaralugu innuttaasunik kiffartuussinermi pisussaaffimmi naammassineqarnissaanut atatillugu tv-kkut nutaarsiassaleriffiup annertunerusumik KNR-imit atorneqarpat. Aammattaaq tassunga atatillugu Naalakkersuisunit kissaatigineqarluni atuartitsinermik ingerlatat tusagassiorfiillu assigiinngitsut akornanni nukittunerusumik atassusiisoqarnissaa. Tassani pineqarput atuartitsinermik aallakaatitassiat kiisalu ilinniarnissamut kajumissaarutini aallakaatitsinerit.

f) Peqqinnissakkut aallakaatitassiat:

Suliffeqarfiup innuttaasunik kiffartuussinermi pisussaaffiisa tamarmiusut ilaannut naleqqiullugu pitsaaliuinikkut peqqinnissakkullu siuarsaalluni suliniutit pillugit nunami inuit ilisimasaqarnissaannik qulakkeerinninnissamut KNR-ip ikiunnissaanik Naalakkersuisut kissaateqarnerat tunngavigalugu kisitsisit isigineqassapput. Tassani assersuutigalugu nerisassatigut ileqqunut inuusaatsimullu naleqqiullugu innuttaasut namminneq peqqinnartumik toqqaasarnissaat siunertarineqarluni. Aallakaatitassiat eqqarsaatigineqarput aarlerinartuni assigiinngitsuni aallaaveqartillugit ilusilersorneqassasut, assersuutigalugu nerisanut, imigassamut, pujortartarnermut, aanngajaarniutitut pinngitsoorsinnaajunnaakkanut nappaatinullu allanut tunngassuteqartut. Aamma tassaasinnaapput kissaataanngitsumik naartulernerit, nikalloqqajaanierit, imminut toquttarnerit il.il. sammillugit aallakaatitassiat. Peqqinnartumik inuuneqarneq, inuummarissuseq pillugit aamma ulluinnarni inuulluarnierup atugarissaarnerullu annertusinissaa siunertaralugu inuit ilisimasaasa annertusineqarnissaanik siunertaqartut aallakaatitassiat.

g) Danskisut aallakaatitsinerit (allamiulluunniit oqaasii atorlugit):

Radio tv-lu pillugit inatsimmi § 28, imm. 2, nr. 10, tak. § 20, imm. 9, naapertorlugu aalajangersagaq ikkunneqarpoq. Tassani annerusumik pineqarput aallakaatitassiat kalaallisut oqaaseqanngitsunut oqaatsinut allanut sammisut. Imaluunniit kalaallisut aallakaatitassiat nutserneqarsimasut. Aalajangersagaq inatsimmi § 20, imm. 9-mut

atatillugu isigineqassaaq, taanna naapertorlugu aallakaatitassiatigut qinigassani oqaatsitigut ikinnerussuteqartut eqqarsaatigineqarnissaat.

Maluginiarneqassaaq danskisut radioaviisi immikkoortumi tassaniissammat nutaarsiassanik soqutiginartunillu aallakaatitassiat pillugit immikkoortoq d-miinnani.

Kisitsimmi tassani aallakaatitassiat nutserneqarsimasut ilanngunneqanngillat. Takuuk immikkoortoq h)

h) Aallakaatitsinerit danskisut nunamiulluunniit allat oqaasiinut nutserneqarsimasut: Allamiut oqaasiinik oqaaseqartunut immikkut tunisassiarineqartut aallakaatitassiat aamma kalaallisut aallakaatitsinerit nunat allamiut oqaasiinut nutserneqarsimasut akornanni agguineq erseqqissarniarlugu aallakaatitsinerit nutserneqarsimasut tassani immikkut ilanngunneqarput.

Maluginiarneqassaaq danskisut radioaviisi immikkoortumi tassaniissammat nutaarsiassanik soqutiginartunillu aallakaatitassiat pillugit immikkoortoq d)-miinnani.

Tassunga atatillugu maluginiarneqassaaq assersuutigalugu Qanoroq nutserneqarsimasooq tassani immikkoortumi ilaammat nutaarsiassanik soqutiginartunillu aallakaatitassiat pillugit immikkoortoq d-miinnani.

Naalakkersuisut aamma KNR isumaqatigiipput nutaarsiassanik aallakaatitsineq Qanoroq-p ataatigut allagartalerlugu aallakaateqqittarneranik maannakkut aaqqissuussineq ingerlateqqinneqassammat. Taamaaqataanik qulakkeerneqassaaq soqutiginartunik pingaarutilinnik aallakaatitsinerit danskisut allagartalersorneqarsimasut nikingasumilluunniit aallakaatinneqarlutik.

Tamatuma saniatigut anguniagaavoq kalaallisut aallakaatitassiat amerlanerusut danskisut ataatigut allagartalersorneqartassasut.

6.4-6.5) Radiumi tv-milu aallakaatittakkat ataatsimoortut

Immikkoortuni taakkunani marlunni pineqarput radiumi tv-milu KNR-ip aallakaatittagai tamarmiusut. Kisitsisinut allanneqarsimasunut taamaalilluni Kalaallit Nunaanni aallakaatitassianik aallakaatitsinerit ilaapput, tassanilu assersuutigalugu aamma aallakaatitseqqiinerit il.il., soorlu aamma nunani allani aallakaatitassianik aallakaatitsinerit. Tassunga atatillugu ilanngunneqassaaq nunani allani suliarineqartut aallakaatitassiat annertussusaasa minnerpaaffissaannik isumaqatigiisummi piumasaqaateqanngimmat.

7. Internettikkut kiffartuussinerit

KNR-ip nittartagaa, www.knr.gl, pingaarnertut immikkoortunut sisamanut agguarneqarsimavoq: nutaarsiassat, tv-mut tunngasut videomi isiginnaartoqarsinnaalluni, radiumut tunngasut tusarnaarnissamut periarfissalik, kiisalu atuisunit pilersinneqarsimasut iserfigineqarsinnaasut, assersuutigalugu knr.gl-imi assilissanik isiginnaarsinnaaneq.

KNR-ip nutaarsiassaleriffia, ulluinnarni nutaarsiassatigut allaaserisanik imaqartoq, Qanorooq kingulleq, radioaviisi kingulleq ullormut pingasoriarluni, kiisalu nammineq toqqarneqarsinnaasunik toqqorsivik videot tusarnaarneqarsinnaasullu.

Tv-mut tunngasut toqqaannartumik 24/7 (ulloq unnuarlu/sapaatip akunnera naallugu) aallakaatitsissaaq, tassani aamma tv-mi toqqorsivimmi annertusiartuinnartumi nammineq toqqarneqarsinnaasut videot tusindinik arlalinnik amerlassusillit neqeroorutigineqarput, kiisalu paasissutissat aallakaatitassanut taakkulu aaqqissuussiffiitut ataasiakkaanut atassuteqarfiusinnaasut.

Radiumut tunngasoq toqqaannartumik radiumik aallakaatitsissaaq, tassani radiumi toqqorsivimmi annertusiartuinnartumi nammineq toqqarneqarsinnaasut aallakaatitassiat tusindinik arlalinnik amerlassusillit neqeroorutigineqarput, kiisalu paasissutissat aallakaatitassanut taakkulu aaqqissuussiffiitut ataasiakkaanut atassuteqarfiusinnaasut.

www.knr.gl-imi paasissutissiisarfiup saniatigut KNR inuit attaveqaaqatigiittarfianniippoq YouTube-mi, SoundCloud-imi, Facebook-imi, Twitter-imi aamma LinkedIn-imi.

YouTube-ikkut aamma www.knr.gl-ikkut KNR-imi aallakaatitassianik takutitsinermi piumasarineqarpoq KNR-ip pisinnaatitaaffinnik pigisaqarnissaa, piginneqqaartussaataaneq pillugu inatsit naapertorlugu.

Isumaqatigiissutigineqarpoq KNR piffissami isumaqatigiissuteqarfiusumi aallaaviatigut KNR-ip nittartagaani maannakkut nutaarsiassatigut paasissutissiisarfia ingerlateqqinneqassasoq, piumasaqaatit suliffeqarfiup aalajangersagai atorlugit innuttaasut soqutiginnittut nutaarsiassanut ataasiakkaanut oqaaseqaateqarnissamut periarfissaqarlutik. Taamaalilluni innuttaasut akornanni oqaloqateqarnissamut isiginneriaatsinik assigiinngitsunik paarlaasseqatigiinnissamut qulakkeerunneqarput.

Kiffartuussinerit assigiinngitsut ineriartortinneri KNR'imit nangingneqassapput, soorlu nutaarsiassat, aallakaatitassiamut attuumassuteqartut paasissutissiinerit, meeqqanut inuusuttunullu imarititaasut, isiginnaartunik kiffartuussineq, tusarnaartunik kiffartuussineq, oqalliffik allatigullu atuisut ilanngutitinneri kiisalu assitalinnik, nipilinnik allagartalinnullu aallakaatitassiornerit. Taakku imarisat qarasaasiani imaluunniit internetimut atassuteqartuni angallattakkani tusarnaarneqarsinnaaneritut tiguneqarsinnaanerinullu KNR periarfissiivoq. KNR-ip aallakaatitassiaanilli tusarnaarnissamut immiunnissaannullu piumasarineqarluni KNR-ip pisinnaatitaaffinnik pigisaqarnissaa, tak. piginneqqaartussaataaneq pillugu inatsit.

Radiukkut tv-kkullu aallakaatitassiat tamaasa internetikkut KNR-imit nittarsaanneqaraluarpata KNR-imut annertuumik aningaasartuuteqarnermik kinguneqartussaassaaq.

8. Pitsaassusilinnik ineriartortitsineq

Isiginnaartartut, tusarnaartartut allallu atuisut suliffeqarfiup tunisassiaanik misigisaqarnerannik iluarinninnerannillu misissuisarnikkut KNR-ip suliaasa pitsaassusaanik naliliineq piffissami isumaqatigiissuteqarfiusumi ikinnerpaamik ukiumut ataasiarluni ingerlanneqartassasoq isumaqatigiissutigineqarpoq. Naliliinerit KNR-ip radiumi tv-milu aallakaatitassiaanut inuit atuinerannik isumaannillu qulaajaanissaaq siunertaralugu

ingerlanneqartassapput, soorlu aamma siunissami aallakaatitassanut naleqqiullugu isummatigut isiginninneq naatsorsuutigisallu pillugit apeqqut ilanngunneqarsinnaasoq.

Pitsaassutsimik naliliineq imatut ingerlanneqassaaq KNR-ip tunisassiaanik kiffartuussineranillu atuisut iluarinninnerannik aamma KNR-ip tunisassiaanut kiffartuussineranullu naatsorsuutigisanik tatiginninnerannillu uuttuutini minnerpaamik nalilersuisoqarluni. Pitsaassutsimik nalilersuineri uuttuutit atorineqartut imatut atorineqassapput piffissami angusassatut isumaqatigiissuteqarfiusumi ineriartornermik allaaserinninnermi atorineqarsinnaallutik.

9. Ileqqorissaarnermi eqqarsaatigisassat

Suliffeqarfiup innuttaasunik kiffartuussineri pisussaaffiik KNR-ip naammassinninneranut atatillugu toqqammaviuvoq killiligaanani oqaaseqarsinnaanermut paasissutissiisinnaanermullu pingaaruteqartumik eqqarsaatiginninnissaq, tamannalu inuit nammineq inuuneqarnissamut pisinnaatitaaffeqarnerat pillugu inatsisini malittarisassat aalajangersarneqartut kiisalu inunnit soqutigineqartunik sammisanik tamanut saqqummiussinissamut sammisaqarnissamullu inuiaqatigiit pisariaqartitsinerat aallaavigalugit pissalluni. Tamatuma nanginnerani paasissutissanik killiligaanani paarlaasseqatigiinnissamut nutaarsiassanillu paasissutissiinissamut inuiaqatigiit pisariaqartitaannut innuttaasunut ataasiakkaanut pissutsinik tamatigut KNR eqqarsaatiginnittarneratigut. Tassunga atasumik ukiukinnerusut timikkut, tarnikkut ileqqorissaarnikkullu ineriartornerannut annertuumik ajoqusiisinnaasunik aallakaatitassianik aallakaatitsisoqannginnissaa KNR-imit nakkutigineqassaaq, tassunga ilanngullugu pingaartumik aallakaatitassiat atoqatigiinnermik imaluunniit pissutissaqanngitsumik persuttaanermik imaqartut aallakaatitassiat. Peqatigisaanik suliffeqarfimmi atuuttunik aallakaatitassiornermi tusagassiornermilu ileqqorissaarnermi tunngavissanik KNR piareersaassaaq, suliffeqarfiup nittartagaani tamanut saqqummiunneqartussat.

10. Qarasaasiatigut toqqorterineq

Radiukkut aallakaatitassiat kingunissamut qulakkeerniarlugit aallakaatitassianik toqqorsiviup digitalinngorsarneranik KNR aallartitsisimavoq. Anguniagaq tassaavoq

qarasaasiatigut toqqorsivimmut innuttaasut periarfissinneqarnissaat, taamaattorli inatsisit malillugit killilernerqartussat, tassunga ilanngullugu piginnittussaaitaanermut inatsit.

11. Upalungaarsimaneq

Radiu tv-lu pillugit inatsimmi § 16, imm. 1 naapertorlugu upalungaarsimanissamut innuttaasunut pingaarutilinnik nalunaaruteqarnissamut KNR pisussaaffeqarpoq.

12. Isumaqatigiissutip eqqortinneqarnera

Ukiup siuliani innuttaasunik kiffartuussinermi pisussaaffiit qanoq naammassineqarsimaneri pillugit KNR nassuiaasiussaaq, tak. radio tv-lu pillugit inatsimmi § 28, imm. 6. Nassuiaat kalaallisut danskisullu allanneqarsimasooq kingusinnerpaamik aprilip aallaqqaataani ingerlataqarfimmi akisussaasumut Naalakkersuisoqarfimmut tunniunneqassaaq taassuma nalilernissaa siunertaralugu. Tamatuma kingorna nassuiaat KNR-ip nittartagaani tamanut saqqummiunneqassaaq.

Piffissami isumaqatigiissuteqarfiusumi ukiunut ataasiakkaanut paasissutissat uku nassuiaammi takuneqarsinnaassapput:

- 1) Radiumut tv-mullu agguarlugit kalaallisut tunisassiarineqartut annertussusaat.
- 2) Radiumut tv-mullu agguarlugit KNR-ip tunisassiaasa annertussusaat.
- 3) Kalaallit Nunaanni radiumi tv-milu aallakaatitsinerit annertussusaat katillugit ukununnga agguarlugit:
 - a) nutaarsiassat soqutigineqartullu
 - b) eqqumiitsuliornikkut kulturikkullu aallakaatitassiat
 - c) Meeqqanut inuusuttunullu aallakaatitassiat
 - d) Atuartitsinermi aallakaatitassiat
 - e) Allamiut oqaasiinut sammisut aallakaatitassiat
 - f) Peqqinnissamut aallakaatitassiat
- 4) Kalaallit Nunaanni tv-mi aallakaatitsinerit annertussusaat katillugit ukununnga agguarlugit:
 - a) nutaarsiassat soqutigineqartullu
 - b) eqqumiitsuliornikkut kulturikkullu aallakaatitassiat
 - c) Meeqqanut inuusuttunullu aallakaatitassiat

- d) Atuartitsinermi aallakaatitassiat
- e) Allamiut oqaasiinut sammisut aallakaatitassiat
- f) Peqqinnissamut aallakaatitassiat

Qulaani allanneqartuni taamaallaat aallakaatitassiat KNR-imit radiumi tv-miluunniit aallakaatinneqartut pineqarput.

Taakku saniatigut isumaqatigiissummi innuttaasunik kiffartuussinermi pisussaaffiit allat naammassineqarneri pillugit KNR nassuiaasiussaaq ingerlataqarfimmi akisussaasoq Naalakkersuisoqarfik noqqaassuteqarpat.

Aallakaatitassat immikkoortiternerini annertuumik allannguisoqarpat ingerlataqarfimmi akisussaasumut Naalakkersuisoqarfirmut KNR ilisimatitsissaaq.

13. Piffissami isumaqatigiissuteqarfiusumi immikkut pisut

Piffissami ukiumut ataatsimut radio tv-lu pillugit minnerpaamik kisitsisini allanneqartuni (immikkoortoq 5) immikkut pisuni immikkut ittumik tunisassiornermi kisitsisit ilanngunneqanngillat, tassa kisitsisit minnerpaaffissaattut allanneqartut ukiumik nalinginnaasumik tunngaveqarmata, Innuttaasunik Kiffartuussinissamut Naammassisassatut isumaqatigiissummut matumunnga aningaasaliissuteqarnermut tunngaviummata.

Taamaattorli aallakaatitanut sunniuteqarsimasut imaluunniit sunniuteqarsinnaasut naatsorsuutigineqartut eqqaaneqassapput:

Ukioq 2023

Assammik arsarnermi arnat nunarsuarmi pissartanngorniunnerat Pissartanngorniunnerit allat assigalugit minnerpaamik kalaallit unamminerat radiumi tv-milu aallakaatinneqarnissaat naatsorsuutigineqartariaqarpoq.

Ukioq 2025

Kommunalbestyrelsimut qinersineq

Naatsorsuutigineqassaaq siusinnerusukkut kommunalbestyrelsinut qinersinerit assigalugit radiumi tv-milu annertuumik aallakaatitsisoqassasoq. Qinersinissap tungaanut aamma qinersinerup unnuani.

Inatsisartunut qinersineq

Naatsorsuutigineqassaaq siusinnerusukkut Inatsisartunut qinersinerit assigalugit radiumi tv-milu annertuumik aallakaatitsisoqassasoq. Qinersinissap tungaanut aamma qinersinerup unnuani.

Ukioq 2026

Folketingimut qinersineq

Naatsorsuutigineqassaaq siusinnerusukkut Folketingimut qinersinerit assigalugit radiumi tv-milu aallakaatitsisoqassasoq. Qinersinissap tungaanut aamma qinersinerup unnuani.

14. Piffissaq atuuffik

Isumaqatigiissut manna 1. januar 2023-miit 31 . december 2026-mut atuuppoq (tak. radio tv-lu pillugit inatsimmi § 57).

Isumaqatigiissummi allannguinerit piffissap ingerlanerani KNR-ip Naalakkersuisullu akornanni isumaqatigiissutigineqarsinnaapput. Isumaqatigiinniaqqinnissaq qaammatit arfinillit sioqqullugit kalerriutigineqassaaq, immikkullu illuinnartunik pissutsinik

Nuuk ulloq 22/1 -2024

Mette Steenholdt

KNR's siulersuisuni siulittaasoq

Aqqaluq B. Egede

Kultureqarnermut Naalakkersuisoq